

ŠTA RADIMO:

Pružanje pravne pomoći žrtvama trgovine ljudima u krivičnom postupku osobama oštećenim krivičnim dijelom i svjedocima te postavljanje imovinsko pravnog zahtjeva za naknadu štete kao i pravno savjetovanje;

Podnošenje tužbi i zastupanje u parničnim postupcima radi naknade štete i drugih prava žrtava trgovine ljudima;

Zastupanje žrtava trgovine ljudima u postupcima za ostvarivanje prava u upravnim, izvršnim i drugim postupcima pred nadležnim organima i sudovima;

Pružanje pravne podrške žrtvama trgovine ljudima u postupcima za odobrenje privremenog boravka, azila ili druge vrste zaštite propisane zakonom i podzakonskim aktima;

Edukacija i savjetovanje žrtava trgovine ljudima o njihovim pravima i postupcima koji se odnose na njihov slučaj;

Praćenje primjene zakona i politika koje se odnose na žrtve trgovine ljudima i zastupanje njihovih interesa u postupku izrade javnih politika;

Saradnja s drugim organizacijama i institucijama u cilju bolje zaštite i podrške žrtvama trgovine ljudima kao i organizacijama civilnog društva.

BESPPLATNA PRAVNA POMOĆ I ZASTUPANJE ŽRTAVA TRGOVINE LJUDIMA U BiH :

VPBiH Sarajevo

Safeta Hadžića 66 A
71000 Sarajevo
+387 33 789 105

VPBiH Mostar

Hasana Zahirovića
Lace bb
88000 Mostar
+387 36 558 580

VPBiH Tuzla

Rudarska 63
75000 Tuzla
+387 35 210 210

VPBiH Prijedor

Kralja Aleksandra br. 29
79000 Prijedor
+387 52 241 290

www.vasaprava.org

e-mail: thb@vasaprava.org



VAŠA PRAVA BiH
Legal Aid Network

IZGRADNJA UČINKOVITOG I ODRŽIVOG
BIH NACIONALNOG ODGOVORA ZA

BORBU PROTIV TRGOVINE LJUDIMA



USAID
OD AMERIČKOG NARODA

Zaštita žrtava trgovine ljudima u krivičnom postupku regulisana krivičnim zakonima koji se primjenjuju se na nivou Bosne i Hercegovine, Brčko distrikta Bosne i Hercegovine, Federacije Bosne i Hercegovine i Republike Srpske i ovi zakoni predstavljaju osnov za krivično gonjenje i kažnjavanje počinitelja. Svi ovi zakoni, u skladu sa podjelom zakonodavne nadležnosti u krivičnopravnoj materiji između države Bosne i Hercegovine i njenih entiteta, propisuju krivično djelo trgovine ljudima.

Pružanje pomoći žrtvama trgovine ljudima u Bosni i Hercegovini regulisano je Zakonom o strancima, Pravilnikom o zaštiti stranaca žrtava trgovine ljudima i Pravilima o zaštiti žrtava i svjedoka žrtava trgovine ljudima državljana Bosne i Hercegovine, te drugim zakonskim i podzakonskim aktima koji uređuju pojedine oblasti, ili propisuju određeni opseg prava i zaštite za žrtve trgovine ljudima.

Žrtve trgovine ljudima u BiH imaju pravo na zaštitu tokom krivičnog postupka protiv počinitelja krivičnog djela trgovine ljudima, uključujući pravo na brzu i efikasnu zaštitu njihovih osnovnih prava, kao što su pravo na život, sloboda i sigurnost, pravo na integritet, pravo na privatnost i pravo na pravično suđenje.

Krivični zakon Bosne i Hercegovine također predviđa specifične mjere zaštite žrtava trgovine ljudima, kao što su zaštita identiteta žrtve, zaštita od dodatnog nasilja i zastrašivanja, pružanje odgovarajuće

medicinske i psihološke podrške i zaštita žrtve od dodatnog traumatskog iskustva.

Također, žrtve trgovine ljudima u BiH imaju pravo na adekvatne mjere zaštite, uključujući smještaj u sigurnu kuću, finansijsku podršku i stručnu pomoć, kao i pomoć u resocijalizaciji, repatrijaciji i povratku u njihove zemlje porijekla.

U krivičnom postupku, žrtve trgovine ljudima također imaju pravo na brzu i efikasnu pravnu pomoć i zaštitu od strane policije, tužilaštva i suda.

U parničnom postupku, žrtve trgovine ljudima imaju pravo na naknadu materijalne i nematerijalne štete koju su pretrpjele zbog ovog krivičnog djela, uključujući fizičke i emocionalne povrede, gubitak dohotka i troškove liječenja. U parničnom postupku, žrtve trgovine ljudima imaju također pravo na zaštitu svojih prava, uključujući pravo na poštovanje njihove privatnosti i dostojanstva, pravo na efikasno sudjenje i pravo na adekvatno zastupanje u sudskom sporu.

Upravni postupak se vodi za rješavanje administrativnih stvari koje su vezane za žrtve trgovine ljudima, poput zahtjeva za azil ili zaštitu od deportacije. U upravnom postupku, žrtve trgovine ljudima također imaju pravo na adekvatnu i efikasnu proceduru, uključujući pravo na brzi i efikasan odgovor na njihove zahtjeve, pravo na informiranje o svojim pravima i obavezama te pravo na pravedno i objektivno postupanje nadležnih organa.

Zagovaranje prava žrtava trgovine ljudima i proaktivno kažnjavanje počinitelja ovog krivičnog djela je važno zbog toga što žrtve često nisu svjesne svojih prava i kako ih zaštititi. Žrtve često žive u stanju straha i nemaju podršku u traženju pravde.

Zagovaranjem njihovih prava, žrtve trgovine ljudima imaju priliku dobiti potrebnu podršku i pomoć te se suprotstaviti kršenju njihovih prava, a zagovaranjem izmjena zakona i politika dodatno će se osnažiti zaštita prava žrtava i jačanje kaznenih mjera za trgovce ljudima.

Edukacija javnosti i relevantnih institucija o problemu trgovine ljudima i pravima žrtava je važan dio zagovaračke aktivnosti. Cilj je osigurati podizanje svijesti o problemu i potrebi za jačanjem zaštite prava žrtava.

U Bosni i Hercegovini postoji Koordinacioni mehanizam za zaštitu žrtava trgovine ljudima, koji se sastoji od predstavnika različitih državnih institucija, uključujući policiju, sudove, vladine agencije za zaštitu ljudskih prava i organizacije civilnog društva.

Saradnja između koordinacionog mehanizma za zaštitu žrtava trgovine ljudima i monitoring timova i organizacija civilnog društva je od ključne važnosti za uspješnu borbu protiv trgovine ljudima i zaštitu žrtava u Bosni i Hercegovini.

Ove institucije i organizacije surađuju kako bi osigurali da se žrtve trgovine ljudima što efikasnije zaštite, da im se osigura da će dobiti pomoć i podršku koju trebaju, te da se učinkovito suzbije trgovina ljudima u zemlji.

„Letak je objavljen uz podršku američkog naroda putem Američke agencije za međunarodni razvoj (USAID). Sadržaj letka isključiva je odgovornost VPBiH i nužno ne odražava stavove USAID-a niti Vlade Sjedinjenih Američkih Država“.